

Compositor y estudiante Xavier Geerman

“Mi kier establece mi mes como un Artista internacional prome cu mi bin bek Aruba”

TILBURG - Xavier Geerman ta un compositor di musica cu tin 9 aña bibando y studiando na Hulanda. For di tempo mi tabata menor di edad mi a cuminsa studia musica na scol di musica Rufo Wever cu tabata carga e nomber “Arubaanse muziek school”. E hoben ta conta Bon Dia di su trabou como compositor y metanan cu e tin pa futuro.

Di chikito mi a cuminsa studia diferente instrumentonan manera, guitarra clasico, les di harmonia, les di piano pa nombra algun. “Mi interes den musica a cuminsa ora mi tabata mucha”. Mi mayornan y mi famia tabata core paranda di dande y nan tabata hiba nos cu nan.

Na dado momento nan a siña nos e ritmonan basico di ‘maraca’ pa yuda cu tocamento. Asina aki mi a cuminsa haya interes pa siña mas ritmo y instrumentonan. Mi a keda desaroya mi mes y asina mi a cuminsa tuma les na ‘Cas di Cultura’. Cu mi di 12 aña mi a skirbi mi prome cantica cu ayudo di amigonan den bario.

“E proceso di skirbi cantica a facina mi hopi y esaki a capta mi atencion. Asina mi a cuminsa skirbi y toca constantemente, experimentando cu diferente tononan akoordnan y instrumentonan”. Recientemente Xavier a skirbi y publica su prome piesa di canticanan cu ta conta storianan di nos antepasadonan. E piesa “Mon Plaisir” ta conta e storia di e compania Aloe Aruba cu tabata existi den Oranjestad den siglo 1800 – 1900 AD. Den futuro lo sigui horna e historia di Aruba, cu mas canticanan. Xavier ta bisa.

Sosten na Aruba compara cu Hulanda

Xavier cuminsa bisa cu e tin 9 aña bibando na Hulanda y mi no ta bon na altura di tur e cambionan cu a sosode den e delaster 10 añanan. Ami ta pensa cu e pais Aruba ta apoya su proyectonan musical y cultural basta bon y e ta floreciendo mas danki na e instancianan manera “Aruba art Fair”, “Cas di Cultura” pa nombra algun. Cu ta duna e artistanan un plataforma pa

experimenta y expresa nan mes den Arte. Pero mi no sa te con leu e proyectonan musical y cultural ta wordo sostene dor di pueblo y gobierno.

Hulanda ta un pais hopi mas grandi cu un historia hopi mas largo den musica y cultura. Den añanan 70 e pueblo a demanda pa e gobierno duna mas atencion na su artistanan local. E protestanan aki a causa cu eventualmente a bin cu un budget special. “subsidio” pa e artistanan local y te tambe internacional.

A bin un instancia cu ta defende e propiedad intelectual di e artistanan local. E organisacion aki buma & stemra ta zorg pa den cierto situacionnan e artista haya su “royalties” ora su cantica of arte wordo uza riba radio, television of otro medianan.

No solamente na Hulanda so, pero tambe internacional. Nan ta den cadena cu otro instancianan similar manera BMI y otronan rond mundo cu mi ta menos na haltura di nan. Lastimamente Hulanda a pasa den un crisis recientemente. Esaki a causa cu e gobierno a dicidi di saca menos placa na cultura y arte. E consecuencianan ta cu varios scol di musica y arte mester a cera nan porta, y te hasta un par di orkestra local mester a uni cu otro pa sobrevivir, otronan a stop di toca.

Mi ta spera cu Aruba tambe ta desaroya su mes den un manera cu ta lanta su propio instancia cu ta defende y yuda artistanan local pa nan tambe logra haya nan “royalty’s”. Pa asina nan por biba di nan profesion. Den mi opinion e ta dificil pa un artista na Aruba biba riba di su arte sin sosten di un “side job”, door cu arte na Aruba ta wordo mira manera un hobby”.

Hopi hende no ta comprende cuanto tempo ta wordo hinca den estudio y disciplina pa desaroya bo mes den un artista profesional. Banda di e punto aki, Aruba ta un pais hopi chikito tambe compara cu Hulanda.

Esey por causa cierto limitacionnan di loke pueblo y gobierno por duna un artista local, specialmente den tempo



di crisis. P’esey ami ta enfoca mas riba e terenonan na e otro banda di lama.

Regresa na bek na Aruba

Tur aña si mi logra haya fondo y necesidad mi ta bini Aruba den vakantie. Pero pa awo mi no lo bin biba bek na Aruba.

Mi kier establece mi mes como un Artista internacional prome cu mi bin bek Aruba. Como compositor di musica “Clasico” e ta dificil pa haya un entrada stabiel y pa e motibo aki mi mester keda lucha te ora mi haya suficiente reconocimiento internacional cu lo resulta di yuda trece e pan riba mi mesa”.

Proyectonan pa futuro

Mi tin tres composicion cu ta bay haci “permiso mundial”: e prome presentacion publico den e prome siman si juli. Esaki ta bay tuma luga a scol mes. Porta cu un di nan lo haci permiso den un misa na Tilburg, unda un cantante “soprano profesional lo solista e ‘Bachkoor Brabant’”. Tambe tin un otro piesa cu ta bay haci permiso den mei.

E ta un coreografia di “Sicily” cu ta bay haci su examen cu ne y lo sigui uza e piesa tambe den si carera artistico. Banda di esaki mi tin dos proyecto mas na caminda, pero mi no mag di publica nada ainda, Xavier ta bisa.